

MËSIMI 24

1. Pasi Sara, gruaja e Abrahamit, vdiq, çfarë bëri Abrahami për të ngushëlluar birin e tij, Isakun?

-Abrahami i gjeti një grua Isakut.

2. Si quhej gruaja e Isakut?

-Rebeka.

3. Si quheshin dy djemtë binjakë që lindi Rebeka?

-Esau dhe Jakobi.

4. Nga i njihte Perëndia Jakobin dhe Esaun para se ata të kishin lindur?

-Perëndia di gjithçka për njerëzit.

-Nuk ka asgjë të fshehur nga Perëndia.

5. A i besonte Esau Perëndisë?

-Jo.

6. A i besonte Jakobi Perëndisë?

-Po.

7. Pse zgjodhi Perëndia ta dërgonte Shpëtimtarin nëpërmjet linjës së Jakobit?

-Sepse Esau nuk besonte në Perëndinë.

8. Çfarë pa Jakobi në ëndrrën që i dha Perëndia?

- Ai pa një shkallë njëri fund i së cilës prekte tokën dhe fundi tjetër shkonte drejt qiellit.

-Engjëjt ngjitsnin dhe zbrisnin shkallët dhe Perëndia ishte në majë të shkallës.

9. Çfarë po i mësonte Perëndia Jakobit për Shpëtimtarin me ëndrrën?

-Ashtu si shkalla po bashkonte qiellin dhe tokën, Perëndia do të dërgonte Shpëtimtarin që do të bashkonte njerëzit në tokë me Perëndinë në qielli.

10. Pse nuk mund të harrojë Perëndia premtimet e Tij për të dërguar Shpëtimtarin?

-Sepse Perëndia nuk mund të harrojë.

-Sepse Perëndia nuk mund të ndryshojë.

-Sepse Perëndia i mban gjithmonë premtimet e Tij.

11. Ndërsa Jakobi po jetonte në tokën e Haranit, sa bij pati ai?

-Dymbëdhjetë.

12. Pasi Jakobi kishte jetuar shumë vite në tokën e Haranit, çfarë i tha Perëndia atij të bënte?

-Perëndia i tha Jakobit të largohej nga Harani dhe të kthehej në tokën e Kananit.

13. Çfarë emri të ri i dha Perëndia Jakobit?

-Izrael.

-Kush e mbrojti Jakobin dhe e solli atë të sigurtë nga toka

e Haranit për në tokën e Kananit?

-Perëndia.

Le të lexojmë Zanafilla 37:1

1-Por Jakobi banoi në vendin ku i ati kishte qëndruar, në vendin e Kanaanëve.

-Sa djem kishte Jakobi?

-Dymbëdhjetë.

-Jakobi kishte dymbëdhjetë djem, por ai e donte një nga djemtë e tij më shumë se të tjerët.

Le të lexojmë Zanafilla 37:3

3-Por Izraeli e donte Jozefin më tepër se tërë bijtë e tij, sepse ishte biri i pleqërisë së tij; dhe i bëri një rrobe të gjatë deri te këmbët.

- Çfarë emri të ri i dha Perëndia Jakobit?

-Izrael.

-Si quhej djali që Jakobi donte më shumë se gjithë djemtë e tjerë?

-Jozef.

-Për shkak se Jakobi e donte djalin e tij, Jozefin, më shumë, ai bëri një rrobe plot me motive e të gjatë deri në fund të këmbëve për të.

-Për shkak se Jakobi e donte Jozefin më shumë, vëllezërit e Jozefit ishin xhelozë për të.

-Për shkak se Jakobi donte Jozefin më shumë, vëllezërit e Jozefit e urrenin atë.

-Vëllezërit e Jozefit e urrenin Jozefin edhe për shkak se Jozefi i tregonte babait kur vëllezërit bënin diçka të keqe.

Le të lexojmë Zanafilla 37:2 & 37:4

2-Këta janë pasardhësit e Jakobit. Jozefi, në moshën shtatëmbëdhjetëvjeçare, kullose kopenë bashkë me vëllezërit e tij; i riu rrinte me bijën e Bilhahës dhe me bijtë e Zilpahës, që ishin gratë e babait të tij. Por Jozefi i tregoi të atit për namin e keq që përhapej mbi sjelljen e tyre.

4-Por vëllezërit e tij, duke parë që i ati i tyre e donte [Jozefin] më tepër nga të gjithë vëllezërit e tjerë, filluan ta urrejnë dhe nuk mund t'i flisnin në mënyrë miqësore.

-Pse zemërohen njerëzit me të tjerët?

-Pse i urrejnë njerëzit të tjerët?

-Sepse çdonjëri ka lindur i ndarë nga Perëndia.

-Sepse çdonjëri ka lindur me mëkate në zemrën e tij.

-Sepse çdonjëri ka lindur si fëmijë i Satanit.

-Vëllezërit e Jozefit e urrenin atë sepse ata kishin lindur të ndarë nga Perëndia.

-Vëllezërit e Jozefit e urrenin Jozefin sepse ata kishin lindur me mëkat në zemrën e tyre.

-Vëllezërit e Jozefit e urrenin Jozefin sepse ata kishin lindur si fëmijë të Satanit.

-Gjithësecili ka lindur i ndarë nga Perëndia dhe ne nuk mund ta ndryshojmë veten tonë.

- Gjithësecili ka lindur me mëkat në zemrën e vet dhe ne nuk mund ta ndryshojmë veten tonë.

- Gjithësecili ka lindur si fëmijë i Satanit dhe ne nuk mund ta ndryshojmë veten tonë.

-Një ditë, Perëndia i dha Jozefit një ëndërr.

Le të lexojmë Zanafilla 37:5-8

5-Por Jozefi pa një ëndërr dhe ua tregoi vëllezërve të tij; dhe këta e urren edhe më tepër.

6-Ai u tha atyre: "Dëgjoni, ju lutem, ëndrrën që pashë.

7-Ne ishim duke lidhur duaj në mes të arës, kur papritmas duajt e mi u drejtuan dhe qëndruan drejt, kurse duajt tuaja u mblodhën dhe u përkulën përpara duajve të mi".

8-Atëherë vëllezërit e tij i thanë: "A duhet të mbretërosh ti mbi ne, ose do të na sundosh me të vërtetë?". Dhe e urren edhe më tepër për shkak të ëndrrave të tij dhe të fjalëve të tij.

-Cila ishte ëndërra që i dha Perëndia Jozefit?

-Në ëndërr, Jozefi dhe vëllezërit e tij po lidhnin duaj gruri në një arë.

-Pastaj, duajt e grurit të vëllezërve u përkulën para duajve të Jozefit.

-Për shkak të ëndrrës që Perëndia i dha Jozefit, vëllezërit e Jozefit e urryen atë edhe më shumë.

-Pak kohë pas kësaj, Perëndia i dha Jozefit një ëndërr tjetër.

Le të lexojmë Zanafilla 37:9-11

9-Ai pa një ëndërr tjetër dhe ua tregoi vëllezërve të tij, duke thënë: "Pashë një ëndërr tjetër! Dhe ja, dielli, hëna dhe njëmbëdhjetë yje përkuleshin para meje".

10-Dhe ai ia tregoi këtë ëndërr atit të tij dhe vëllezërve të tij; i ati e qortoi dhe i tha: "Ç'kuptim ka ëndërra që ke parë? A do të duhet që pikërisht unë, nëna jote dhe vëllezërit e tu të vijnë e të përkulemi deri në tokë para teje?".

11-Dhe vëllezërit e tij e kishin zili, por i ati e mbante përbrenda këtë gjë.

-Cila ishte ëndërra e dytë që Perëndia i dha Jozefit?

-Në ëndërr, ishin dielli, hëna dhe yjet.

-Pastaj dielli, hëna dhe 11 yje u përkulën para Jozefit.

-Kush ishte dielli në ëndërr?

-I ati i Jozefit.

-Kush ishte hëna në ëndërr?

-Nëna e Jozefit.

-Kush ishin njëmbëdhjetë yjet në ëndërr?

-Njëmbëdhjetë vëllezërit e Jozefit.

-Çfarë kuptimi kishin këto dy ëndrra?

-Një ditë, Perëndia do ta bënte Jozefin të parë dhe familja e Jozefit do të përkulej para tij.

-Kush e njihte të ardhmen e Jozefit dhe ia tregoi atë përmes ëndrrave të tij?

-Perëndia.

-Ashtu siç e njihte të ardhmen e Jozefit, Perëndia njih të ardhmen tonë.

-Sa nga e ardhmja jonë njih Perëndia?

-Perëndia njih gjithë të ardhmen tonë.

-Për shkak të këtyre ëndrrave që Perëndia i dha Jozefit, vëllezërit e tij e urreyen atë edhe më shumë.

-Një ditë Jozefi shkoi për të parë vëllezërit e tij në ara.

Le të lexojmë Zanafilla 37:17b-20

17b-Atëherë Jozefi shkoi të kërkojë vëllezërit e tij dhe i gjeti në Dothan.

18-Ata e panë së largu, dhe para se t'u afrohej, komplotuan kundër tij për ta vvarë.

19-Dhe i thanë njëri tjetrit: "Ja ku po vjen ëndërruesi!

20-Ejani, pra, ta vrasim dhe ta hedhim në një pus; do të themi pastaj që një kafshë e egër e hëngri; kështu do të shohim se ç'përfundim do të kenë ëndërrat e tij".

-Vëllezërit e Jozefit e urrenin atë aq shumë saqë donin ta vrisnin atë.

-Por vëllai i madh i Jozefit, Rubeni u përpoq ta shpëtonte atë.

Le të lexojmë Zanafilla 37:21-24

21-Rubeni i dëgjoi këto dhe vendosi ta shpëtojë nga duart e tyre, dhe tha: "Nuk do ta vrasim".

22-Pastaj Rubeni shtoi: "Mos derdhni gjak, por hidheni në këtë pus të shkretëtirës dhe mos e goditni me dorën tuaj". Thoshte kështu për ta shpëtuar nga duart e tyre dhe për t'ia shpënë të atit.

23-Kur Jozefi arriti pranë vëllezërve të tij, këta e zhveshën nga veshja e tij, nga rrobja e gjatë që i arrinte

deri te këmbët.

24-pastaj e kapën dhe e hodhën në pus. Por pusi ishte bosh, nuk kishte ujë brenda.

-Çfarë bënë vëllezërit e Jozefit me Jozefin?

-Ata ia morën rrobën e tij dhe e hodhën atë në një pus të thatë.

-Pasi vëllai i Jozefit, Rubeni, iku, çfarë bënë vëllezërit që ngelën me Jozefin?

Le të lexojmë Zanafilla 37:25-28

25-Pastaj u ulën për të ngrënë; por, duke ngritur sytë, ata panë një karvan Ismaelitësh që vinte nga Galaadi me devetë e tyre të ngarkuara me erëza, balsame dhe mirrë, dhe udhëtonte për t'i çuar në Egjipt.

26-Atëherë Juda u tha vëllezërve të tij: "Ç'dobi do të kemi po të vrasim vëllanë tonë dhe të fshehim gjakun e tij?"

27-Ejani, t'ia shesim Ismaelitëve dhe të mos e godasë dora jonë, sepse është vëllai ynë, mishi ynë". Dhe vëllezërit e tij e dëgjuan.

28-Ndërsa po kalonin ata tregtarë Madianitë, ata e ngritën dhe e nxorën Jozefin jashtë pusit dhe ia shitën Ismaelitëve për njëzet monedha argjendi. Dhe këta e shpunë Jozefin në Egjipt.

-Vëllezërit e Jozefit ia shitën atë si skllav, tregtarëve të skllavëve.

-Ku e çuan tregtarët e skllavëve Jozefin?

-Në Egjipt.

-Çfarë bënë vëllezërit kur u kthye Rubeni?

Le të lexojmë Zanafilla 37:29-31

29-Rubeni u kthye te pusi, por Jozefi nuk ishte më në pus. Atëherë ai i çorri rrobat e tij.

30-Pastaj u kthye te vëllezërit e tij dhe tha: "Djali nuk është më; po unë, ku do të shkoj unë?".

31-Kështu ata muarën rrobën e gjatë të Jozefit, therën një cjap dhe e futën rrobën në gjak.

-Vëllezërit e Jozefit morën rrobën e Jozefit, therën një cjap dhe e futën rrobën e tij në gjak.

-Pastaj vëllezërit e Jozefit e morën rrobën e Jozefit e cila kishte qenë e zhytur brenda në gjakun e cjapit dhe ia çuan babait të tyre Jakobit.

Le të lexojmë Zanafilla 37:32-35

32-Pastaj e çuan rrobën te babai dhe i thanë: "Kemi gjetur këtë; shiko pak nëse është rrobja e birit tënd".

33-Dhe ai e njohu dhe tha: "Është rrobja e tim biri, e ka ngrënë ndonjë kafshë e egër; me siguri Jozefin e kanë bërë copë e çikë".

34-Atëherë Jakobi i shqeu rrobat e tij, veshi një grathore dhe mbajti zi për birin e tij shumë ditë.

35-Dhe të gjithë bijtë dhe të gjitha bijat e tij erdhën për ta ngushëlluar, por ai nuk pranoi të ngushëllohet dhe tha: "Unë do të zbres në Sheol pranë birit tim për të mbajtur zi". Kështu e qau i ati.

-Vëllezërit e Jozefit e shitën Jozefin si një skllav.
-Pastaj vëllezërit e tij e mashtruan babanë e tyre Jakobin.
-Jakobi mendoi që Jozefi kishte vdekur.

-Vëllezërit e Jozefit e urrenin Jozefin.
-Urrejtja e vëllezërve të Jozefit i çoi ata ta shisnin Jozefin si një skllav.

-Urrejtja e vëllezërve të Jozefit i çoi ata të mashtronin babanë e tyre.

-Urrejtja gjithmonë të bën të mëkatosh më shumë.

-A kishte vdekur Jozefi?

-Jo.

-Ku ishte Jozefi?

-Jozefi ishte në Egjipt.

Le të lexojmë Zanafilla 39:1

1-Ndërkaq Jozefi u çua në Egjipt; dhe Potifari, oficeri i Faraonit dhe kapiten i rojeve, një egjiptas, e bleu nga Ismaelitët që e kishin sjellë atje.

-Kujt ia shitën tregëtarët e sklevërve Jozefin si skllav?
-Potifarit.

-A e braktisi Perëndia Jozefin?
-Jo.

-Perëndia kurrë nuk do ta braktisë atë që beson në Të.

-Perëndia ishte me Jozefin gjithë kohën.

-Le të lexojmë se çfarë i ndodhi Jozefit pasi u ble nga Potifari.

Le të lexojmë Zanafilla 39:2-6a

2-Zoti qe me Jozefin, dhe ky pasurohej dhe banonte në shtëpinë e zotërisë së tij, egjiptasit.

3-Dhe zotëria e tij e pa që Zoti qe me të dhe që Zoti e sillte mbarë në duart e tij gjithçka bënte.

4-Kështu Jozefi fitoi hir në sytë e atij dhe hyri në shërbimin personal të Potifarit, që e emëroi kryeadministrator të shtëpisë së tij dhe i la në dorë gjithçka zotëronte.

5-Nga çasti që e bëri kryeadministrator të shtëpisë së tij dhe për gjithçka që zotëronte, Zoti e bekoi shtëpinë e egjiptasit për shkak të Jozefit; dhe bekimi i Zotit përfshiu gjithçka ai kishte në shtëpi dhe në fushë.

6a-Kështu Potifari la gjithçka kishte në dorë të Jozefit dhe

nuk shqetësohej më për asgjë, përveç ushqimit të vet.

-Edhe pse vëllezërit e Jozefit e urrenin Jozefin, Perëndia nuk e braktisi atë.

-Edhe pse vëllezërit e Jozefit e shitën si skllav Jozefin, Perëndia nuk e braktisi atë.

-Për shkak se Jozefi besoi në Perëndinë, Perëndia e bekoj atë.

-Një ditë, kur Potifari kishte ikur, Jozefit i ndodhi diçka.

Le të lexojmë Zanafilla 39:6b-18

6b-Dhe Jozefi ishte i bukur nga forma dhe kishte një pamje tërheqëse.

7-Mbas gjithë këtyre gjërave, gruaja e zotërisë së tij ia vuri sytë Jozefit dhe i tha: "Bjerë e fli me mua".

8-Por ai e refuzoi dhe i tha gruas së zotërisë së tij: "Ja, zotëria ime nuk shqetësohet për ato që ka lënë në shtëpi me mua dhe ka lënë në duart e mia gjithçka zotëron.

9-Nuk ka asnjë më të madh se unë në këtë shtëpi; ai nuk më ka ndaluar asgjë veç teje, sepse je gruaja e tij. Si mund ta bëj unë këtë të keqe të madhe dhe të kryej një mëkat kundër Perëndisë?".

10-Me gjithë faktin që ajo i fliste Jozefit për këtë gjë çdo ditë, ai nuk pranoi të binte në shtrat me të dhe t'i jepej asaj.

11-Një ditë ndodhi që ai hyri në shtëpi për të bërë punën e tij, dhe nuk ndodhej në shtëpi asnjë prej shërbëtorëve.

12-Atëherë ajo e kapi nga rrobat dhe i tha: "Eja të shtrihesh me mua". Por ai ia la në dorë rroben e tij, iku duke vrapuar jashtë.

13-Kur ajo pa që ai ia kishte lënë në dorë rroben e tij dhe kishte ikur jashtë,

14-thirri shërbëtorët e vet dhe u tha: "Shikoni, ai na sollti në shtëpi një hebre për t'u tallur me ne; ai erdhi tek unë për të rënë me mua, por unë bërtita me të madhe.

15-Me të dëgjuar që unë ngrita zërin dhe fillova të bërtas, ai la rrobën e tij pranë meje, iku dhe vrapoi jashtë".

16-Kështu ajo mbajti pranë saj rroben e tij, deri sa u kthye në shtëpi zotëria e saj.

17-Atëherë ajo i foli në këtë mënyrë: "Ai shërbëtor hebre, që ti na solle, erdhi tek unë për të më vënë në lojë.

18-Por sa ngrita zërin dhe bërtita, ai la rroben pranë meje dhe iku jashtë".

-Për shkak se Jozefi besoi në Perëndinë, ai refuzoi të binte në shtrat me gruan e Potifarit.

-Për shkak se Jozefi refuzoi të binte në shtrat me të, gruaja e Potifarit gënjeu për Jozefin.

-Çfarë ndodhi kur erdhi Potifari në shtëpi?

Le të lexojmë Zanafilla 39:19-20a

19-Kështu, kur zotëria e saj dëgjoji fjalët e gruas së vet që i fliste në këtë mënyrë duke thënë: "Shërbëtori yt më ka

bërë këtë gjë!", ai u inatos.

20-Atëherë zotëria e Jozefit e mori dhe e futi në burg, në vendin ku ishin mbyllur të burgosurit e mbretit.

-Kur erdhi Potifari në shtëpi, ai i besoi gënjeshtërs së gruas së tij dhe e futi Jozefin në burg.

-Kur Jozefi ishte në burg, a e braktisi Perëndia atë?

-Jo.

-Perëndia kurrë nuk do ta braktisë dikë që beson në Të.

-Perëndia ishte me Jozefin gjithë kohën.

-Madje edhe ndërsa ishte në burg, Perëndia ishte me Jozefin.

Le të lexojmë Zanafilla 39:20b-23

20b-Kështu ai mbeti në atë burg.

21-Por ZOTI që me Jozefin dhe u tregua dashamirës ndaj tij, duke bërë që t'i hynte në zemër drejtorit të burgut.

22-Kështu drejtori i burgut i besoi Jozefit tërë të burgosurit që ndodheshin në burg; dhe ai ishte përgjegjës për të gjitha që bëheshin aty brënda.

23- Drejtori i burgut nuk kontrollonte më asgjë nga ato që i ishin besuar Jozefit, sepse ZOTI ishte me të, dhe Zoti e bënte të mbarë gjithçka që ai bënte.

-Edhe pse vëllezërit e Jozefit e urrenin atë, Jozefi akoma besonte në Perëndinë.

-Edhe pse vëllezërit e Jozefit e shitën atë si skllav, Jozefi akoma besonte në Perëndinë.

-Edhe pse gruaja e Potifarit gënjeu për Jozefin, Jozefi akoma besonte në Perëndinë.

-Edhe pse Jozefi u fut në burg, Jozefi akoma besonte në Perëndinë.

-Kush u kujdes për Jozefin në burg?
-Perëndia.

-Pse u kujdes Perëndia për Jozefin?

-Sepse Jozefi e dinte që ai kishte mëkatuar ndaj Perëndisë.

-Sepse Jozefi e dinte që mëkati i tij sillte vdekjen e përjetshme.

-Sepse Jozefi e dinte që vetëm Perëndia mund ta shpëtonte atë.

-Sepse Jozefi besonte që Perëndia do të dërgonte Shpëtimtarin për ta shpëtuar atë.

-A mendon ti që Perëndia do ta harrojë Jozefin që është në burg?

-Jo.

-Në mësimin tjetër, do të lexojmë për atë që Perëndia bën për Jozefin.